

ხელშეკრულება
სახელმწიფო შესყიდვის შესახებ №14

ქ. ბათუმი

21 იანვარი, 2019 წელი

ერთის მხრივ, აჭარის ა.რ. ფინანსთა და ეკონომიკის სამინისტროს საქვეუწყებო დაწესებულება-საავტომობილო გზებისა და სამელიორაციო სისტემების მართვის დეპარტამენტი, შემდგომში „შემსყიდველი“, წარმოდგენილი უფროსის მოვალეობის შემსრულებლის რაულ ბერიძის სახით, ხოლო მეორე მხრივ, შ.პ.ს. „სინათლე 2006“, შემდგომში „მიმწოდებელი“, წარმოდგენილი დირექტორის ლევან ჯანჯღავას სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად დებენ წინამდებარე ხელშეკრულებას შემდეგზე:

მუხლი 1. ხელშეკრულების საგანი და ღირებულება

1.1. წინამდებარე ხელშეკრულების საგანს წარმოადგენს ქობულეთის მუნიციპალიტეტში ს/გზა «ხუცუბანი-სამება-სოფ. ქობულეთი» კმ1+650 მონაკვეთზე ახალი ხიდის მშენებლობის (**NAT180020668**, 21.12.2018 წ, CPV კოდი-45200000, 45221110) ელექტრონული ტენდერის აუქციონის გარეშე შესყიდვა.

შემდგომში „სამუშაო“

1.2. ხელშეკრულების ჯამური ღირებულება საქართველოს კანონმდებლობით გათვალისწინებული ყველა გადასახადის ჩათვლით შეადგენს: 186 980 (ასოთხმოცდაექვსიათას ცხრაასოთხმოცი) ლარს

მუხლი 2. ანგარიშსწორების წესი

2.1. მხარეები ანგარიშსწორებას ახორციელებენ ლარებში ამ ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით.

2.2. ანგარიშსწორება მიმწოდებელთან განხორციელდება, როგორც შუალედური შესრულების (ეტაპით გათვალისწინებული სამუშაოები), ასევე ხელშეკრულებით გათვალისწინებული სამუშაოს დასრულების შემთხვევაში, შესრულებული სამუშაოს აქტის - ფორმა #2, ანაზღაურების სერთიფიკატის - ფორმა #3, ფარული სამუშაოების აქტის (ასეთის არსებობის შემთხვევაში) დადასტურებული შემსყიდველის წარმომადგენლის მიერ, მასალების სერთიფიკატის, სამუშაოს მიღება-ჩაბარების აქტის და ანგარიშგაქტურის წარმოდგენიდან არაუგვიანეს 10 სამუშაო დღის განმავლობაში.

2.3 მიმწოდებელი ანგარიშსწორებისას ვალდებულია წარმოადგინოს, ფაქტიურად შესრულებული სამუშაოების (დამატებული ღირებულების გათვალისწინებით) ღირებულება საანგარიშო პერიოდისა და ნაზარდი ჯამის ჩვენებით.

2.4 მიმწოდებელი უფლებამოსილია შემსყიდველს წარუდგინოს წინასწარი წერილობითი თხოვნა ავანსის გაცემასთან დაკავშირებით, სადაც დეტალურად გაწერილი და დასაბუთებული უნდა იყოს ავანსის სახით მიღებული თანხის გამოყენების მიზნობრიობა, იგი ვალდებულია ასევე წარმოადგინოს შესაბამისი დოკუმენტები, რომ არ არის რეგისტრირებული მოვალეთა რეესტრში, მის მიმართ არ არის რეგისტრირებული საგადასახადო გირავნობა ან/და ყადაღა, აღნიშნული მოთხოვნების დაუკმაყოფილებლობის შემთხვევაში შემსყიდველი უფლებამოსილია არ დააკმაყოფილოს მიმწოდებლის თხოვნა ავანსის

გაცემის თაობაზე.

2.5 შემსყიდველის მიერ ავანსის გაცემასთან დაკავშირებით დადებითი გადაწყვეტილების მიღების შემთხვევაში მიმწოდებელი ვალდებულია წარმოდგინოს საქართველოს ეროვნული ბანკის მიერ აკრედიტებული საბანკო დაწესებულების ან საქართველოში ლიცენზირებული სადაზღვეო კომპანიის/დაწესებულების მიერ გაცემული გასაცემი ავანსის ოდენობის უპირობო საბანკო გარანტია, რომლის მოქმედების ვადა 30 კალენდარული დღით უნდა აღმატებოდეს ხელშეკრულების მოქმედების ვადას.

2.6 შემსყიდველი უფლებამოსილია ხელშეკრულების მოქმედების ნებისმიერ ეტაპზე განახორციელო მიმწოდებლის მიერ წინასწარი ანგარიშსწორების საფუძველზე მიღებული თანხის ხარჯვის მიზნობრიობის შემოწმება (საავანსო თანხის ხარჯვის დამადასტურებელი შესაბამისი დოკუმენტების წარმოდგენა).

2.7 მიმწოდებელზე გასაცემი საავანსო თანხა განისაზღვრება ხელშეკრულების ჯამური ღირებულების არაუმეტეს 30% პროცენტის ოდენობით.

2.8 შემსყიდველის მიერ გაცემული ავანსის დაკავება მოხდება გეგმა-გრაფიკით გათვალისწინებული ყოველი ეტაპის შესრულების წარმოდგენის დროს, ეტაპის შესრულების მთლიანი თანხით, ვიდრე სრულად არ გამოიქვითება მიმწოდებელზე გაცემული ავანსის თანხა.

2.9 შემსყიდველი უფლებამოსილია აამოქმედოს ავანსის უზრუნველსაყოფად გაცემული საბანკო გარანტია ხელშეკრულების პირობების დარღვევისა და ხელშეკრულების შეწყვეტის შემთხვევაში, თუკი შეწყვეტის მომენტისათვის მიმწოდებელს არა აქვს დაქვითული გაცემული ავანსი ან მისი ნაწილი.

2.10 იმ შემთხვევაში, თუ განსაზღვრული გარემოებების გამო მიმწოდებლის მიერ შესრულებული სამუშაოების ღირებულებამ არ შეადგინა ამ ხელშეკრულებით გათვალისწინებული თანხა, შემსყიდველი აუნაზღაურებს მიმწოდებელს მის მიერ ფაქტობრივად შესრულებული სამუშაოს ღირებულებას ამ ხელშეკრულებით განსაზღვრული ერთეული ფასების შესაბამისად. აღნიშნულიდან გამომდინარე მიმწოდებელს არ უნდა გააჩნდეს პრეტენზია სამუშაოთა აუთვისებელ მოცულობების შესრულებაზე და მის გადახდაზე.

2.11 ხარჯთაღრიცხვით განსაზღვრული გათვალისწინებული სამუშაოებისათვის გამოყოფილი თანხა გამოიყენება მხოლოდ სამუშაოს შესრულების პროცესში დამატებით ჩასატარებელი სამუშაოების შესასრულებლად, შესაბამისი მოტივირებული დასკვნის საფუძველზე, შემსყიდველთან შეთანხმებით.

2.12 შემსყიდველი უფლებამოსილია, ხელშეკრულებით გათვალისწინებული პირობების დარღვევის გამო დაკისრებული ჯარიმა ან/და პირგასამტეხლო (ასეთის არსებობის შემთხვევაში) დაუკავოს (გამოუქვითოს) მიმწოდებელს ასანაზღაურებელი თანხიდან და გადარიცხოს ბიუჯეტის შესაბამის ანგარიშზე

მუხლი 3. სამუშაოს შესაბამისობა

3.1. ხელშეკრულების პირველი მუხლით გათვალისწინებული სამუშაოები უნდა შესრულდეს ჯეროვნად საპროექტო დოკუმენტაციის, ტექნიკური პირობების, მოქმედი სამშენებლო ნორმებისა და წესების, გარემოზე ზემოქმედების შეფასების, მათ შორის ეკოლოგიური ექსპერტიზის დასკვნისა და გარემოსდაცვის მართვის გეგმის მოთხოვნები და პირობები (მათი არსებობის შემთხვევაში), მსგავსი სამუშაოებისათვის უკვე არსებული სტანდარტებისა და შემსყიდველი ორგანიზაციის მოთხოვნების შესაბამისად. მუშაობის პროცესში შემსრულებელი ვალდებულია სამუშაოები შეასრულოს საქართველოს კანონის “საავტომობილო გზების შესახებ”, საგზაო სამუშაოების კლასიფიკაციის შესახებ ინსტრუქციის, საპროექტო

დოკუმენტაციის, ტექნიკური პირობების, სპეციფიკაციების, წინამდებარე ხელშეკრულების პირობებისა და საქართველოში მოქმედი ყველა საჭირო სამშენებლო ნორმების, სტანდარტებისა და წესების მოთხოვნების დაცვით;

3.2 წინამდებარე ხელშეკრულების 3.1. პუნქტში აღნიშნული წესებიდან და ნორმებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს სამუშაო ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

3.3. მშენებლობის პროცესში გამოყენებული ყველა მასალა-მოწყობილობა უნდა იყოს მაღალი ხარისხის, რაზედაც შემსყიდველს უფლება აქვს მოითხოვოს სტანდარტის დამადასტურებელი სერთიფიკატი. შემსყიდველს უფლება აქვს მშენებლობის ნებისმიერ მომენტში შეამოწმოს გამოყენებული მასალებისა და სამუშაოთა შესრულების ხარისხი, იმ შემთხვევაში, თუ ხარისხი არ აღმოჩნდება სამშენებლო ნორმებისა და სტანდარტების შესაბამისი, შემსყიდველი მხარე უფლებამოსილია შეაჩეროს სამშენებლო სამუშაოთა წარმოება და აკრძალოს შეუსაბამო მასალების გამოყენება. ტექნიკური ზედამხედველის მიერ მასალის დაწუნების შემთხვევაში წუნდებული მასალის გამოყენება მშენებლობაში დაუშვებელია. იმ შემთხვევაში, თუ მიმწოდებლის მიერ შესრულებული სამუშაო არ იქნება მოწონებული შემსყიდველის მიერ, მიმწოდებელი ვალდებულია გამოასწოროს, სამუშაოს შესრულების მომენტში დაშვებული ხარვეზები საკუთარი ხარჯებით.

3.4. სახელშეკრულებო ობიექტზე შემსრულებელმა უნდა აწარმოოს სამუშაოთა წარმოების ჟურნალი, სადაც ყოველდღიურად ჩაწერს დღიური შესრულებული სამუშაოების მოცულობას, შემსრულებელი პერსონალის მონაცემებს, გამოყენებული მექანიზმების და მოწყობილობების ჩამონათვალს, რომელიც მონაწილეობდა სამუშაოს შესრულებაში, ხარისხის დაცვის პროცედურებს და სხვა. ხოლო ტექნიკური ზედამხედველი აფიქსირებს თავის შენიშვნებსა და რეკომენდაციებს სამუშაოს წარმოების შესახებ, ჟურნალში ჩაიწერება განსაკუთრებული დავალებები, აღმოჩენილი დეფექტები და მათი აღმოფხვრის ვადები. მიმწოდებელმა უნდა აწარმოოს ყველა საშემსრულებლო ტექნიკური დოკუმენტაცია, რომელიც განსაზღვრულია მოქმედი სამშენებლო ნორმებით და სტანდარტებით ობიექტის მოვლა-შენახვის სპეციფიკის გათვალისწინებით.

3.5. ფარული სამუშაოების წარმოების შემთხვევაში მიმწოდებელი ვალდებულია შეადგინოს ფარული სამუშაოების დამადასტურებელი წერილობითი აქტები. ფარული სამუშაოები წარმოებულ უნდა იქნეს შემსყიდველის მიერ განსაზღვრულ ინსპექტირების განმხორციელებელ პირთან/პირებთან ერთად, აქტი დამოწმებული უნდა იყოს, როგორც მიმწოდებლის, ასევე შემსყიდველის ტექნიკური ზედამხედველის მიერ.

მუხლი 4. სამუშაოს მიღება-ჩაბარების წესი

4.1. სამუშაოს მიღება ხორციელდება ამ ხელშეკრულების 1.1. პუნქტში აღნიშნულ ადგილზე.

4.2. შესრულებული სამუშაოების მიღება განხორციელდება 2 ეტაპად დაყოფილი გეგმა-გრაფიკის შესაბამისად, თითოეული ეტაპი მოიცავს 30 კალენდარულ დღეს. მიმწოდებელი ვალდებულია პირველ ეტაპზე შეასრულოს ხელშეკრულებით გათვალისწინებული სამუშაოების საერთო ღირებულების არანაკლებ 30%-სა, ხოლო მე-2 ეტაპზე დარჩენილი -70%.

სამუშაოს შესრულების ვადაა - 60 კალენდარული დღე სამუშაოს დაწყებიდან. მიმწოდებელი ვალდებულია სამუშაოები დაიწყოს არაუგვიანეს 2019 წლის 15 მარტისა, ხელსაყრელი კლიმატური პირობების არსებობის შემთხვევაში პრეტენდენტი უფლებამოსილია დაიწყოს სამუშაოები ხელშეკრულების გაფორმების თარიღიდან 2019 წლის 15 მარტამდე პერიოდში. მიმწოდებელი ვალდებულია სამუშაოს დაწყების შესახებ წერილობით აცნობოს შემსყიდველს.

4.2.1 მიმწოდებელს ეტაპებს შორის საშუალება ეძლევა განახორციელოს შუალედური მიღება- ჩაბარება, მაგრამ არანაკლებ ეტაპის სამუშაოს მოცულობის 50%-სა.

4.3 ამ ხელშეკრულების ძალით შესრულებული სამუშაოების შემოწმებას და მიღება-ჩაბარებას ახორციელებს შემსყიდველის მიერ უშუალოდ საამისოდ შერჩეული პირი - შემდგომში „ტექზედამხედველი“, რომელიც ადგილზე ამოწმებს ხელშეკრულებით განსაზღვრულ ობიექტზე შესრულებულ სამუშაოთა მოცულობას და ხარისხს.

4.4. შესყიდვის ობიექტზე წარმოდგენილი სამუშაოს შესრულების აქტები- ფორმა #2 და მიღება-ჩაბარების აქტები დამოწმებული უნდა იყოს მიმწოდებლის მხრიდან სხვა პასუხისმგებელ პირებთან ერთად საინჟინრო განათლების მქონე სპეციალისტის მიერ.

4.5. ხელშეკრულების საგნის როგორც სრული, ასევე ნაწილობრივი მიღება ხორციელდება სამუშაოების მიღება-ჩაბარების აქტის გაფორმებით. შესრულებული სამუშაოების (როგორც სრულად, ასევე ნაწილობრივ) მიღება- ჩაბარების აქტის გაფორმებამდე, მიმწოდებელმა უნდა უზრუნველყოს ტექნიკური ზედამხედველობის განმახორციელებელი პირის მიერ დამოწმებული შესრულებული სამუშაოების აქტის - ფორმა #2 წარმოდგენა, რომლითაც დასტურდება შესრულებული სამუშაოების ხარისხი, მოცულობა, ღირებულება და მათი შესაბამისობა საპროექტო-სახარჯთაღრიცხვო დოკუმენტაციასთან. მიღება-ჩაბარების აქტზე ხელს აწერს დეპარტამენტის ტექნიკური სამსახურის უფროსი ან/და დეპარტამენტის უფროსის კურატორი მოადგილე, იმისდა მიხედვით, თუ რომელი მათგანი ღებულობს მონაწილეობას შესრულებული სამუშაოების მიღება-ჩაბარების პროცესში.

4.6. ხელშეკრულების საგნის როგორც სრული, ასევე ნაწილობრივი მიღება-ჩაბარებისათვის მიმწოდებელმა უნდა წარმოუდგინოს შემსყიდველს შესრულებული სამუშაოების აქტი - ფორმა #2, ანაზღაურების სერთიფიკატი - ფორმა #3, ფარული სამუშაოების აქტები (ასეთის არსებობის შემთხვევაში) დადასტურებული შემსყიდველის წარმომადგენლის მიერ, მასალების სერთიფიკატი, სამუშაოს მიღება-ჩაბარების აქტი.

4.7 შესრულებული სამუშაოების მიღება-ჩაბარების დროს გამოყენებული მასალები შესაბამისობაში უნდა იყოს პროექტით გათვალისწინებულ მასალებთან.

4.8 მიმწოდებელმა უნდა წარმოადგინოს საბოლოო მიღება-ჩაბარების აქტთან ერთად დასრულებულ სამუშაოთა მისაღებად სავალდებულო დოკუმენტაცია “აჭარის არ მთავრობის საქვეყნო დაწესებულება საავტომობილო გზებისა და სამელიორაციო სისტემების მართვის დეპარტამენტის მიერ შესყიდული დასრულებული სამუშაოების მისაღებად წარმოსადგენი სავალდებულო დოკუმენტაციის და მისი წარმოდგენის პროცედურების განსაზღვრის შესახებ” დეპარტამენტის 2016 წლის 08 თებერვლის #7 ბრძანებაში შეტანილი ცვლილების შესაბამისად (დეპარტამენტის უფროსის 2017 წლის 14 თებერვლის #16 ბრძანება).

4.9 შემსყიდველი ვალდებულია ოპერატიულად, სიტყვიერი ან/და წერილობითი სახით, აცნობოს მიმწოდებელს სამუშაოთა მიმდინარეობის პროცესში შემოწმების შედეგად გამოვლენილი წუნდებული სამუშაოს მოცულობის, წუნდების მიზეზების და წუნდების გამოსწორების ვადების მითითებით შესახებ ინფორმაცია;

4.10 სამუშაოს ეტაპების მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი;

4.11. შესყიდვის ობიექტის საბოლოო მიღება-ჩაბარებას ახორციელებს დეპარტამენტის უფროსის 2018 წლის 12 ივნისის #24 ბრძანებით შექმნილი „გზების რეაბილიტაცია“ და „ხელოვნური ნაგებობების მშენებლობა-რეაბილიტაცია“ ქვეპროგრამის ფარგლებში გათვალისწინებული ღონისძიებების დამთავრებული სამუშაოების მიმღები მუდმივმოქმედი კომისია.

მუხლი 5. გარანტია

5.1. მიმწოდებელი იძლევა გარანტიას, რომ სამუშაო განხორციელდება სამშენებლო ნორმებისა და სტანდარტების შესაბამისად.

5.2. შესრულებული სამუშაოს სრულფასოვანი ფუნქციონირებისათვის საგარანტიო ვადა შეადგენს სამ წელს სამუშაოს მიღებიდან.

5.3. საგარანტიო ვადის განმავლობაში მიმწოდებელი ვალდებულია შემსყიდველის მიმართვის შემდეგ არაუგვიანეს 30 დღეში საკუთარი ხარჯებით უზრუნველყოს ობიექტის ექსპლოატაციის დროს წარმოქმნილი ან/და აღმოჩენილი დეფექტების აღმოფხვრა.

5.4. თუ მიმწოდებელი საგარანტიო ვადის განმავლობაში საკუთარი ხარჯებით ვერ უზრუნველყოფს ექსპლუატაციის პროცესში წარმოქმნილი ხარვეზების აღმოფხვრას, შემსყიდველი უფლებამოსილია იმოქმედოს მოქმედი კანონმდებლობის შესაბამისად.

მუხლი 6. მხარეთა უფლება-მოვალეობანი

6.1. მიმწოდებელი ვალდებულია:

6.1.1. სამუშაოები დაასრულოს 60 კალენდარულ დღეში სამუშაოს დაწყებიდან, სამუშაოები განხორციელოს 2 ეტაპად დაყოფილი გეგმა-გრაფიკის შესაბამისად, თითოეული ეტაპი მოიცავს 30 კალენდარულ დღეს. მიმწოდებელი ვალდებულია პირველ ეტაპზე შეასრულოს ხელშეკრულებით გათვალისწინებული სამუშაოების საერთო ღირებულების არანაკლებ 30%-სა, ხოლო მე-2 ეტაპზე დარჩენილი -70%.

მიმწოდებელი ვალდებულია სამუშაოები დაიწყოს არაუგვიანეს 2019 წლის 15 მარტისა, ხელსაყრელი კლიმატური პირობების არსებობის შემთხვევაში პრეტენდენტი უფლებამოსილია დაიწყოს სამუშაოები ხელშეკრულების გაფორმების თარიღიდან 2019 წლის 15 მარტამდე პერიოდშიც. სამუშაოს დაწყების შესახებ წერილობით აცნობოს შემსყიდველს.

6.1.2. წერილობით წარმოადგინოს დეპარტამენტში გეგმა-გრაფიკით გათვალისწინებული ყოველი ეტაპის შესრულების დამადასტურებელი დოკუმენტაცია 4.6. პუნქტის შესაბამისად.

6.1.3. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

6.1.4. სამშენებლო ნორმებისა და წესების სრული დაცვით უზრუნველყოს სამუშაოთა მაღალი ხარისხით შესრულება და მათი დამთავრება ხელშეკრულებით განსაზღვრულ ვადებში;

6.1.5 სამუშაოები აწარმოოს ტექნიკური ზედამხედველის უშუალო ზედამხედველობის ქვეშ. მიმწოდებელი ვალდებულია წინასწარ წერილობით აცნობოს შემსყიდველს სამუშაოების დასრულების შესახებ.

6.1.6. აწარმოოს სამუშაოების ჟურნალი და ფარული სამუშაოების აქტები.

6.1.7. სამუშაოების შესრულების პროცესში შეტყობინების მიღებისთანავე აღმოფხვრას უხარისხოდ შესრულებული სამუშაო შემსყიდველის მხრიდან რაიმე დამატებითი დანახარჯების გაწევის გარეშე;

6.1.8. სამუშაოს შესასრულებლად აუცილებელი მასალები, აღჭურვილობა და მექანიზმების მიწოდება უზრუნველყოფილი უნდა იქნას მიმწოდებლის მიერ საკუთარი შესაძლებლობებით და რესურსებით და მიმწოდებელი პასუხისმგებელი უნდა იყოს აღნიშნული მასალების, აღჭურვილობის და მექანიზმების უსაფრთხოებაზე. ხსენებული მასალების დაკარგვის ან გაუმართაობის შედეგად გამოწვეული რისკი ეკისრება მიმწოდებელს.

6.1.9. მიმწოდებელმა სამუშაოების განხორციელების განმავლობაში მათ მიღებამდე საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად;

6.1.10. მიმწოდებელი პასუხისმგებელია სამუშაოს შესრულების პროცესში ისეთი სამშენებლო მასალების გამოყენებაზე, რომლების მოპოვებაზეც კანონმდებლობით განსაზღვრულია სათანადო ლიცენზიის არსებობა.

6.1.11. მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონმდებლობის და ნორმების შესაბამისად ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

6.1.12. ტენდერით გათვალისწინებულ საავტომობილო გზაზე მომხდარი საგზაო-სატრანსპორტო შემთხვევებისას, მონაწილეობა მიიღოს საქართველოს შინაგან საქმეთა სამინისტროს შესაბამისი სამსახურების მიერ სათანადო აქტების გაფორმების პროცედურაში, ასევე ამ საავტომობილო გზაზე, გზის კუთვნილების ან ხელოვნური ნაგებობების ცალკეული ელემენტების დაზიანების ან ქურდობის ფაქტების შემთხვევაში დაუყოვნებლივ აცნობოს შემსყიდველ ორგანიზაციას, აგრეთვე საპატრულო ან ადგილობრივ

პოლიციას საკითხის შემდგომი რაეგირებისათვის.

6.1.13. ნებისმიერ დროს, წინასწარი შეტყობინების გარეშე დაუშვას შემსყიდველი და მისი წარმომადგენლები სამუშაო მოედნებზე. საკუთარი ხარჯებით უზრუნველყოს ამ ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

6.1.14. შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან ლიკვიდაციის შესახებ;

6.1.15. ტენდერით გათვალისწინებულ საავტომობილო გზაზე მიმწოდებლის მიზეზით მოძრაობის დროებით შეწყვეტისათვის პასუხისმგებლობა ეკისრება მიმწოდებელს და ზიანის წარმოშობის შემთხვევაში მას ანაზღაურებს საკუთარი ხარჯით.

6.1.16. სამუშაოების წარმოების პროცესში მიწისქვეშა კომუნიკაციების დაზიანების შემთხვევაში სრული პასუხისმგებლობა და დაზიანებით გამოწვეული ზარალის ანაზღაურება ეკისრება მიმწოდებელს.

6.1.17. ხელშეკრულებით გათვალისწინებული სამუშაოთა შესრულებისას იხელმძღვანელოს საქართველოს კანონის “საავტომობილო გზების შესახებ”, საგზაო სამუშაოების კლასიფიკაციის შესახებ ინსტრუქციის, საპროექტო დოკუმენტაციის, ტექნიკური პირობების, სპეციფიკაციების, წინამდებარე ხელშეკრულების პირობებისა და საქართველოში მოქმედი ყველა საჭირო სამშენებლო ნორმების, სტანდარტებისა და წესების მოთხოვნების მიხედვით;

6.1.18. მიმწოდებელმა თვალსაჩინო ადგილას უნდა განათავსოს მინიმუმ 2 ცალი საინფორმაციო დაფა (100სმ/80სმ), შემსყიდველის მიერ გადაცემული ესკიზის შესაბამისად.

6.2. მიმწოდებელს უფლება აქვს:

6.2.1. მოსთხოვოს შემსყიდველს ხელშეკრულებით გათვალისწინებული პირობების შესაბამისად შესრულებული სამუშაოების ღირებულების ანაზღაურება

6.3. შემსყიდველი ვალდებულია:

6.3.1. აწარმოოს ინსპექტირება საამისოდ შერჩეულ პირთან ერთად სამუშაოს მიმდინარეობაზე, თანახმად მოქმედი სამშენებლო ნორმების და წესებისა, რომელთა დარღვევის შემთხვევაში იგი უფლებამოსილია შეაჩეროს სამუშაოები;

6.3.2. შეუფერხებლად აუნაზღაუროს მიმწოდებელს შესრულებული სამუშაოს ღირებულება ამ ხელშეკრულებით გათვალისწინებული ვადების შესაბამისად.

6.3.3. წერილობითი ფორმით დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ.

6.4. შემსყიდველს უფლება აქვს:

6.4.1. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

6.4.2. განახორციელოს შესრულებული სამუშაოების ტექნიკური ზედამხედველობა და შეამოწმოს მათი შესაბამისობა საქართველოში მოქმედი მშენებლობის ნორმებისა და წესებში გათვალისწინებული ხარისხის კრიტერიუმების, ტექნიკური სპეციფიკაციების და მოქმედი სტანდარტების გათვალისწინებით.

6.4.3. ხელი მოაწეროს სამუშაოების მიღება-ჩაბარების (შესრულების) აქტებს;

6.4.4. ხელშეკრულების პირობების შეუსრულებლობის შემთხვევაში შემსყიდველის, მიმწოდებლისა და ხელშეკრულების ინსპექტირების მიზნით შერჩეული სხვა პირების მონაწილეობით ფორმდება შესაბამისი აქტი, სადაც დეტალურად იქნება აღწერილი ხელშეკრულების შეუსრულებლობის მიზეზები, რის შემდგომაც შემსყიდველის შეხედულებისამებრ შესაძლებელია გამოყენებულ იქნეს ხელშეკრულების უზრუნველყოფის გარანტირების მექანიზმი. თუ მიმწოდებლის წარმომადგენელი უარს აცხადებს აღნიშნული აქტის შედგენაში მონაწილეობაზე, ხსენებული ფიქსირდება ამავე აქტში და

იგი იწვევს იმავე სამართლებრივ შედეგებს, რასაც გამოიწვევდა მიმწოდებლის წარმომადგენლის მონაწილეობით შედგენილი აქტი. სამუშაოების უხარისხოდ შესრულების შემთხვევაში მიმწოდებელი ვალდებულია თავისი სახსრებით უზრუნველყოს წუნის აღმოფხვრად აუცილებელი.

6.4.5. უხარისხოდ შესრულებული სამუშაოების დაფიქსირება ხდება შემსყიდველის მიერ შედგენილ შესაბამისი აქტში, რის შემდეგაც მიმწოდებელს არ უნაზღაურდება დეფექტებით შესრულებული სამუშაოთა ღირებულება.

6.4.6. იმ შემთხვევაში, თუ მიმწოდებლის მხრიდან შესრულებულ სამუშაოთა წარმოდგენილი მოცულობები, შემსყიდველის მიერ გადამოწმების შემთხვევაში არ შეესაბამება რეალობას, შემსყიდველი სათანადო აქტის შედგენის შემდეგ არ უნაზღაურებს მას აღნიშნულ სამუშაოთა ღირებულებას.

6.4.7. შემსყიდველი და მის მიერ ტექნიკურ დამუშავებისათვის შერჩეული პირი ვალდებულია მიმწოდებელთან ერთად აწარმოოს სამუშაოების შესრულებაზე ხელშეკრულებით გათვალისწინებული ვადების მიმდინარეობის კონტროლი.

მუხლი 7. პასუხისმგებლობა

7.1. ხელშეკრულების პირობების შეუსრულებლობის ან არაჯეროვნად შესრულებისათვის მიმწოდებელს პირგასამტეხლოს სახით ერთჯერადად დაეკისრება ხელშეკრულების ღირებულების 1%-ის ოდენობით. მიმწოდებელი ვალდებულია შემსყიდველის მოთხოვნისთანავე გადაუხადოს პირგასამტეხლო არაუგვიანეს 10 საბანკო დღის განმავლობაში.

7.2 ხელშეკრულების შეწყვეტის შემთხვევაში (მიმწოდებლის მიზეზით), მიმწოდებელს პირგასამტეხლოს სახით დაეკისრება ხელშეკრულების ღირებულების 5%-ის ოდენობით. მიმწოდებელი ვალდებულია შემსყიდველის მოთხოვნისთანავე გადაუხადოს პირგასამტეხლო არაუგვიანეს 10 საბანკო დღის განმავლობაში.

7.3 შემსყიდველი კისრულობს პასუხისმგებლობას ანგარიშსწორების ვადების დარღვევისათვის გადაუხადოს პირგასამტეხლოს სახით მიმწოდებელს გადასახდელი თანხის 0,02% ყოველი ვადაგადაცილებული დღისათვის.

7.4 იმ შემთხვევაში, თუ მიმწოდებელი გადააცილებს მის მიერ წარმოდგენილი გეგმა- გრაფიკით გათვალისწინებულ შესაბამისი ეტაპის დასრულების ვადას, დაეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,02%-ის ოდენობით.

7.5 შემსყიდველთან შეთანხმების გარეშე ქვეკონტრაქტორის აყვანის შემთხვევაში, მიმწოდებელს დაეკისრება ჯარიმის სახით პირგასამტეხლო სახელშეკრულებო თანხის 1%-ის ოდენობით. ფაქტის გამოვლენის შემთხვევაში აღნიშნული საჯარიმო სანქცია გავრცელდება მიმწოდებელზე მთელი საგარანტიო პერიოდის განმავლობაში (სამუშაოს მიღება - ჩაბარებიდან 3 წელი).

7.6 იმ შემთხვევაში, თუ ხელშეკრულებით გათვალისწინებული ჯარიმებისა და პირგასამტეხლოს რაოდენობა მიაღწევს მთლიანი სახელშეკრულებო ღირებულების 0,5%-ს, შესყიდველს უფლება აქვს ცალმხრივად შეწყვიტოს ხელშეკრულება.

7.7 ჯარიმებისა და პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

მუხლი 8. ფორს-მაჟორი

8.1. მხარეები თავისუფლდებიან პასუხისმგებლობისაგან, თუ ხელშეკრულებით ნაკისრი ვალდებულების შეუსრულებლობა გამოწვეულია ფორსმაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია კანონით გათვალისწინებული ფორს-მაჟორული გარემოებებით.

8.2. ის მხარე, რომელიც ხელშეკრულების 8.1. პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 5 სამუშაო დღისა წარმოადგინოს ცნობა შესაბამისი კომპეტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს.

8.3. ხელშეკრულების 8.2. პუნქტით გათვალისწინებული პირობების დაცვის შემთხვევაში მხარეები უფლებამოსილი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (სათანადო არგუმენტაციის საფუძველზე) ვადამდე შეწყვიტონ ხელშეკრულება.

მუხლი 9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

9.2 ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

9.3 ხელშეკრულების შეწყვეტის გაფორმება ხდება ორმხრივი შეთანხმებით, დანართის ფორმით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

9.4 შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:

ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს).

ბ) მიმწოდებლის მიმართ მიმდინარეობს გაკოტრების საქმე (მიუხედავად მისი დაწყების დროისა);

გ) მიმწოდებლის ქონებას დაედო ყადაღა;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;

ე) მიმწოდებლის მიმართ დაკისრებული პირგასამტეხლოს ოდენობამ გადააჭარბა ხელშეკრულების ღირებულების 0,5%-ს;

ვ) იმ შემთხვევაში, თუ მიმწოდებელი სამუშაოებს გეგმა-გრაფიკის მიხედვით განსაზღვრული რომელიმე ეტაპით გათვალისწინებული სამუშაოების ღირებულების 80%-ზე ნაკლებს შეასრულებს, შემსყიდველი უფლებამოსილია ცალმხრივად შეწყვიტოს ხელშეკრულება.

ზ) შემსყიდველთან შეთანხმების გარეშე ქვეკონტრაქტორის აყვანის შემთხვევაში, შემსყიდველი უფლებამოსილია მიმწოდებელს შეუწყვიტოს ხელშეკრულება.

თ) ხელშეკრულების გაფორმების შემდეგ, შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება.

ი) საქართველოს კანონმდებლობით განსაზღვრულ სხვა შემთხვევაში.

მუხლი 10. ქვეკონტრაქტორები

10.1 მიმწოდებელმა წერილობით უნდა აცნობოს შემსყიდველს წინამდებარე ხელშეკრულების ფარგლებში ქვეკონტრაქტორის აყვანის შესახებ.

10.2. ქვეკონტრაქტორი არ უნდა იყოს დარეგისტრირებული სახელმწიფო შესყიდვებში მონაწილე არაკეთილსინდისიერ პირთა რეესტრში (შავი სია).

10.3. მიმწოდებელს არა აქვს უფლება გადასცეს ქვეკონტრაქტორს თავისი უფლებები და მოვალეობები, შემსყიდველის წერილობითი თანხმობის გარეშე. შემსყიდველის თანხმობის გარეშე ქვეკონტრაქტორის აყვანის შემთხვევაში, ვრცელდება

9.4.ი პუნქტით გათვალისწინებული მოთხოვნები.

10.4 მიმწოდებელი უფლებამოსილია ქვეკონტრაქტორს გადასცეს ხელშეკრულებით გათვალისწინებული სამუშაოების ღირებულების არაუმეტეს 40%-ისა.

10.5 ამ ხელშეკრულების ფარგლებში დადებული ყველა ქვეკონტრაქტის ასლი უნდა წარედგინოს შემსყიდველს.

10.6 მუშაობის პროცესში ქვეკონტრაქტორის შეცვლა, ან დამატებითი ქვეკონტრაქტორის აყვანა ასევე უნდა შეთანხმდეს შემსყიდველთან. მიმწოდებელი ვალდებულია აცნობოს შემსყიდველს სამუშაოთა მოცულობის რა ნაწილი გადაეცემა ქვეკონტრაქტორს.

10.7 სამუშაოების ნაწილის ქვეკონტრაქტორზე გადაცემით მიმწოდებელი არ თავისუფლდება ხელშეკრულებით ნაკისრი ვალდებულებებიდან.

მუხლი 11. ინსპექტირება

11.1. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს შესრულებული სამუშაოს ინსპექტირება.

11.2. მიმწოდებელი ვალდებულია საკუთარი ხარჯებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

11.3. შემსყიდველს ან მის წარმომადგენელს უფლება აქვს ხელშეკრულების პირობების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულების მიმდინარეობაზე. შესრულებული სამუშაოების ტექნიკური მონიტორინგი და კონტროლი ევალება დეპარტამენტის ტექნიკურ სამსახურს. ხელშეკრულების პირობების საერთო კონტროლი ევალება დეპარტამენტის უფროსის დარგის კურატორ მოადგილეს.

11.4. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

11.5. სამუშაოების მიმდინარეობაზე შემსყიდველი აწარმოებს კონტროლს თანახმად საქართველოს კანონის “საავტომობილო გზების შესახებ”, საგზაო სამუშაოების კლასიფიკაციის შესახებ ინსტრუქციის, საქართველოში მოქმედი ყველა სამშენებლო ნორმების, სტანდარტების და წესების, აგრეთვე ტექნიკური პირობების, ხელშეკრულების პირობების თანახმად, რომელთა დარღვევის შემთხვევაში შემსყიდველი უფლებამოსილია შეაჩეროს სამუშაოების მიმდინარეობა და განახორციელოს ამ ხელშეკრულებით და კანონმდებლობით გათვალისწინებული სანქციები.

მუხლი 12. სხვა პირობები

12.1 წინამდებარე ხელშეკრულების არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

12.2 მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

12.3. ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

12.4. იმ შემთხვევაში, თუ სამუშაოების შესრულების დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია წინამდებარე ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

12.5. ნებისმიერ ცვლილება, რომელსა მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12.6. წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12.7. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის, ფაქსის სახით ან ელექტრონული ფოსტით (სკანირებული PDF ფორმატში) ორიგინალის შემდგომი წარმოდგენით, წინამდებარე ხელშეკრულებაში მითითებული მეორე მხარის მისამართზე.

12.8. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

12.9. მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შემსყიდველი და მიმწოდებელი მოლაპარაკებების დაწყებიდან 10 დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობით დადგენილი წესით.

12.10 ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან: ორი ეგზემპლარი შემსყიდველთან, ხოლო ერთი-მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

12.11. რეკვიზიტები, ხარჯთაღრიცხვა, სამუშაოების შესრულების გეგმა-გრაფიკი და სხვა დოკუმენტაცია თან ერთვის და

წარმოადგენს წინამდებარე ხელშეკრულების განუყოფელ ნაწილს.

12.12. უქმე დღეების დამთხვევის შემთხვევაში სამუშაოების წარმოებასთან დაკავშირებული დოკუმენტაციის წარმოადგენა განხორციელდეს საქართველოს სამოქალაქო კოდექსის 127-ე მუხლით გათვალისწინებული წესის შესაბამისად.

მუხლი 13. ხელშეკრულების მოქმედების ვადა

13.1. სამუშაოს შესრულების ვადაა - 60 კალენდარული დღე სამუშაოს დაწყებიდან, სამუშაოები განხორციელდეს 2 ეტაპად დაყოფილი გეგმა-გრაფიკის შესაბამისად, თითოეული ეტაპი მოიცავს 30 კალენდარულ დღეს. მიმწოდებელი ვალდებულია პირველ ეტაპზე შეასრულოს ხელშეკრულებით გათვალისწინებული სამუშაოების საერთო ღირებულების არანაკლებ 30%-სა, ხოლო მე-2 ეტაპზე დარჩენილი -70%.

მიმწოდებელი ვალდებულია სამუშაოები დაიწყოს არაუგვიანეს 2019 წლის 15 მარტისა, ხელსაყრელი კლიმატური პირობების არსებობის შემთხვევაში პრეტენდენტი უფლებამოსილია დაიწყოს სამუშაოები ხელშეკრულების გაფორმების თარიღიდან 2019 წლის 15 მარტამდე პერიოდშიც. სამუშაოს დაწყების შესახებ წერილობით აცნობოს შემსყიდველს.

13.2 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან (თუ სხვა კონკრეტული ვადა არ არის განსაზღვრული), მხარეთა მიერ ნაკისრი ვალდებულებების სრულ და ჯეროვან შესრულებამდე, 2019 წლის 31 ივლისის ჩათვლით.

მუხლი 14. მხარეთა იურიდიული მისამართები და რეკვიზიტები

“შემსყიდველი“

„მიმწოდებელი“

აჭარის ა.რ. ფინანსთა და ეკონომიკის სამინისტროს
საქვეუწყებო-დაწესებულება საავტომობილო
გზებისა და სამელიორაციო სისტემების მართვის
დეპარტამენტი

შ.პ.ს. „სინათლე 2006“

ხოზის რ-ნი, სოფ. გურიფული

საიდ. კოდი: 244 686 194

ქ. ბათუმი ჯავახიშვილის #72ა

მიმღები ბანკი: ს.ს. “საქართველოს ბანკი”

დეპარტამენტის უფროსის

ბანკის კოდი: BAGAGE22

მოვალეობის შემსრულებელი:

ანგარიშის №

რაულ ბერიძე

GE15BG0000000549261100

დირექტორი: ლევან ჯანჯღავა

საავტომობილო გზა „ხუცუბანი-სამება-სოფ. ქობულეთი" კმ1+650 - დანართი №1

ლოკალური ხარჯთაღრიცხვა №1

ახალი ხიდის მშენებლობა

ბურჯების მოწყობა

№	სამუშაოს დასახელება	ერთ. განზ	ღირებულება		
			საპროექტო მოცულობა	ერთ.	სულ
1	3	4	6	7	8
1	არსებული ბეტონის პორტალურისა და სარეგულაციო კედლების დაშლა სანგრევი ჩაქუნებით დატვირთვით ავტოთვიომცველებზე	100 მ ³	0.70	1500.00	1050.00
2	ბურჯების ფუნდამენტების ქვაბულის მოწყობა და კალაპოტის გაწმენდა, IV ჯგ. გრუნტის დამუშავება ექსკავატორით V=1,0მ ³ დატვირთვა ავტოთვიომცველებზე	1000 მ ³	0.460	10000.00	4600.00
3	IV ჯგ. გრუნტის დამუშავება ხელით	მ ³	20.00	15.00	300.00
4	V ჯგ გრუნტებში დამუშავება სანგრევი ჩაქუნებით დატვირთვით ავტოთვიომცველებზე	100 მ ³	0.10	3000.00	300.00
5	გრუნტის გატანა ნაყარში 1კმ-მდე	ტნ	980.00	3.00	2940.00
6	ხრეშოვანი ბალიშის მოწყობა ბურჯების ფუნდამენტში	100 მ ³	0.05	2000.00	100.00
7	ბურჯების ფუნდამენტის მონოლითური ბეტონი ბეტონი B-18.5	100 მ ³	0.77	16000.00	12320.00
8	ბურჯების ტანის მოწყობა მონოლითური ბეტონისაგან ბეტონი B-18.5	100 მ ³	0.8208	16000.00	13132.80
9	რკ/ბეტონის წამწისქვედის და კარადულის მოწყობა ბურჯებზე ბეტონი B-30	100 მ ³	0.0330	16000.00	528.00
10	წამწისქვედის და კარადულის არმატურა ცალკეული ღეროებისაგან	ტნ	0.590	2000.00	1180.00
11	გრუნტის უკუჩაყრა ხელით	მ ³	10.00	15.00	150.00
12	ორფენიანი ჰიდროიზოლაცია ბიტუმით	100 მ ²	0.60	200.00	120.00

13	ბურჯების უკან ყრილის მოწყობა ქვაბულში დამუშავებული ხრეშოვანი გრუნტით, ექსკავატორით ჩაყრა და მოსწორება	მ³	220.00	10.00	2200.00
ჯამი ლოკალ. №1					38920.80

საავტომობილო გზა „ხუცუბანი-სამება-სოფ. ქობულეთი" კმ1+650
 ლოკალური ხარჯთაღრიცხვა №2
 ახალი ხიდის მშენებლობა
 ბეტონის სარეგულაციო კედლების მოწყობა

№	სამუშაოს დასახელება	ერთ. განზ	ღირებულება		
			საპროექტო მოცულობა	ერთ.	სულ
1	3	4	6	7	8
1	სარეგულაციო კედლის ფუნდამენტში IV ჯგ. გრუნტების დამუშავება ექსკავატორით V=1,0მ³ დატვირთვა ავტოთვიმცვლელებზე	1000 მ³	0.340	10000.00	3400.00
2	IV ჯგ. გრუნტის დამუშავება ხელით	მ³	22.00	15.00	330.00
3	V ჯგ გრუნტებში დამუშავება სანგრევი ჩაქუნებით დატვირთვით ავტოთვიმცვლელებზე	100 მ³	0.08	3000.00	240.00
4	გრუნტის გატანა ნაყარში 1კმ-მდე	ტნ	647.50	2.00	1295.00
5	ხრეშოვანი ბალიშის მოწყობა	100 მ³	0.06	2000.00	120.00
6	სარეგულაციო კედლების ფუნდამენტის მონოლითური ბეტონი	100 მ³	0.825	16000.00	13200.00
7	სარეგულაციო კედლების ტანის მოწყობა მონოლითური ბეტონისაგან ბეტონი B-18,5	100 მ³	1.4025	16000.00	22440.00
8	გრუნტის უკუნაყრა ხელით	100 მ³	0.05	1500.00	75.00
9	ორფენიანი პიდროიზოლაცია ბიტუმით	100 მ²	1.33	200.00	266.00
10	კედლის უკან ყრილის მოწყობა ხრეშოვანი მასალით (ბალასტი), ჩაყრა და მოსწორება	მ³	325.00	20.00	6500.00
ჯამი ლოკალ. №2					47866.00

საავტომობილო გზა „ხუცუბანი-სამება-სოფ. ქობულეთი" კმ1+650
 ლოკალური ხარჯთაღრიცხვა №3
 ახალი ხიდის მშენებლობა
 მაღის ნაშენის მოწყობა

№	სამუშაოს დასახელება	ერთ.განზ	საპროექტო მოცულობა	ღირებულება	
				ერთ.	სულ
1	3	4	6	7	8
1	მაღის ნაშენის გადახურვა რკბეტონის მონოლითური ფილით	100 მ ³	0.1584	18000.00	2851.20
2	არმირებული ბადეების მოწყობა არმატურის ცალკეული დეროებისაგან	100 ტნ	0.0212	200000.00	4240.00
3	მოაჯირების მოწყობა ლითონის კვადრატული მიღებისაგან 50X50X2	გრძ.მ/ტნ	82/0.26	2500.00	650.00
4	მოაჯირების 0.26ტ შეღებვა	ტნ	0.260	150.00	39.00
ჯამი ლოკალ. №3					7780.20

საავტომობილო გზა „ხუცუბანი-სამება-სოფ. ქობულეთი" კმ1+650
 ლოკალური ხარჯთაღრიცხვა №4
 ახალი ხიდის მშენებლობა
 გზის სამოსის მოწყობა

№	სამუშაოების დასახელება	ერთ. განზ	საპროექტო მოცულობა	ღირებულება	
				ერთ.	სულ
1	3	4	6	7	8
1	სავალ ნაწილზე არსებული დაზიანებული ა/ბეტონის საფარის დაშლა ბუდდოზერით მოგროვება 50 მ-ზე გატანით. დატვირთვა ექსკავატორით ავტოთვითმცლელზე	1000 მ ³	0.045	20000.00	900.00
2	გრუნტის გატანა ნაყარში 1 კმ-მდე	ტ	99.00	2.00	198.00
3	ქვესაგები ფენის მოწყობა ქვიშა-ხრეშოვანი ნარევით სისქით საშუალოდ 15სმ (მოცულობა მრაველდება 1.22)	100 მ ³	0.70	2000.00	1400.00
4	საფუძვლის მოწყობა ფრაქციული ღორღით 0-40მმ სისქით 12სმ	1000 მ ²	0.460	25000.00	11500.00
5	ზედაპირის დამუშავება ბიტუმის ემულსია (1მ ² -0,6ლ)	ტ	0.27	1000.00	270.00

6	საფარის ქვედა ფენის მოწყობა მსხვილმარცვლოვანი ფოროვანი ღორღოვანი ცხელი ასფალტობეტონისაგან სისქით 5 სმ	1000 მ ²	0.450	20000.00	9000.00
7	ზედაპირის დამუშავება ბიტუმის ემულსია (1მ ² -0,3ლ)	ტ	0.14	1000.00	140.00
8	საფარის ზედა ფენის მოწყობა წვრილმარცვლოვანი მკერივი ღორღოვანი ცხელი ასფალტობეტონისაგან სისქით 4 სმ	მ ²	450.00	18.00	8100.00
9	მისაყრელი გვერდულების მოწყობა ქვიშა-ხრეშოვანი მასალით	100 მ ³	0.09	2999.00	269.91
ჯამი ლოკალ. №4					31777.91

საავტომობილო გზა „ხუცუბანი-სამება-სოფ. ქობულეთი" კმ1+650
ლოკალური ხარჯთაღრიცხვა №5
ახალი ხიდის მშენებლობა
სპეცპროფილის ბეტონის პარაპეტების მოწყობა

№	სამუშაოს დასახელება	ერთ. განზ	ღირებულება		
			საპროექტო მოცულობა	ერთ.	სულ
1	3	4	6	7	8
1	სპეცპროფილის ბეტონის პარაპეტების მონტაჟი (1 ცალი - 0.77 მ ³) 10 ცალი	100 მ ³	0.0770	37644.75	2898.65
2	ბეტონის სპეცპროფილის პარაპეტების შეღებვა	100 მ ²	0.423	599.00	253.38
ჯამი ლოკალ. №5					3152.02
ჯამი ლოკალ. №1+ლოკ.№2+ლოკალ.№3+ლოკალ.№4+ ლოკალ. №5					129496.93
ზედნადები ხარჯები 10%					12949.69
ჯამი					142446.63
გეგმიური დაგროვება 8%					11395.73
ჯამი:					153842.36
გაუთვალისწინებელი სამუშაოები 3%					4615.27
ჯამი:					158457.63
დღგ 18%					28522.37
ჯამი ხარჯთ. №1					186980.00

პრეპროექტის ხელწერა

სამუშაოთა შესრულების გეგმა-გრაფიკი

ქობულეთის მუნიციპალიტეტში ს/გზა "ხუცუბანი-სამება-სოფ. ქობულეთი"კმ1+650 მონაკვეთზე ახალი ხიდის მშენებლობა.

№	სამუშაოების დასახელება	30 დღე I ეტაპი	30 დღე II ეტაპი	სულ
1	2	3	4	5
2	ქობულეთის მუნიციპალიტეტში ს/გზა "ხუცუბანი-სამება-სოფ. ქობულეთი"კმ1+650 მონაკვეთზე ახალი ხიდის მშენებლობა.	56275.53		
3	ქობულეთის მუნიციპალიტეტში ს/გზა "ხუცუბანი-სამება-სოფ. ქობულეთი"კმ1+650 მონაკვეთზე ახალი ხიდის მშენებლობა.		125258.45	
ჯამი				181533.98

შპს „სინათლე 2006“-ის დირექტორი:

ლევან ჯანჯღავა